



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՌՈՒ ՄԱՐԶՊԵՏ

Ո Ր Ո Շ ՈՒ Մ

13 հունվարի 2020թ. թիվ 21-Ա

ՕՁՈՒՆ ՀԱՄԱՅՆՔԻ ՂԵԿԱՎԱՐԻՆ ՎԱՐՉԱԿԱՆ
ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

Ղեկավարվելով «Վարչական իրավախախտումների վերաբերյալ» Հայաստանի Հանրապետության օրենսգրքի 54-րդ հոդվածի 3-րդ մասով, 56¹ հոդվածի 2-րդ մասով և 219¹ հոդվածով, Հայաստանի Հանրապետության հողային օրենսգրքի 43-րդ հոդվածով, «Հողերի օգտագործման և պահպանման նկատմամբ վերահսկողության մասին» Հայաստանի Հանրապետության օրենքով, հիմք ընդունելով «Քաղաքաշինության, տեխնիկական և հրդեհային անվտագության տեսչության» կողմից կազմված 08.11.2019թ. թիվ 25 ակտը և Քաղաքաշինության, տեխնիկական և հրդեհային անվտագության տեսչական մարմնի ղեկավարի 13.11.2019թ. թիվ N 06-13-19 որոշումը՝

Ո Ր Ո Շ ՈՒ Մ եմ.

1. Հողամասը ոչ նպատակային նշանակությամբ օգտագործելը, հողամասերի գործառնական նշանակության և հողատեսքերի ինքնակամ փոփոխությունը չկանխելու համար Օձուն համայնքի ղեկավար Արսեն Տիտանյանին նշանակել տուգանք սահմանված նվազագույն աշխատավարձի հարյուրհիսնապատիկի չափով:

2. Պետական կամ համայնքային սեփականության հողամասերի օգտագործման տրամադրելու կարգը խախտելու համար Օձուն համայնքի ղեկավար Արսեն Տիտանյանին նշանակել տուգանք սահմանված նվազագույն աշխատավարձի հարյուրապատիկի չափով

3. Տուգանքը անձնական միջոցներից 15-օրյա ժամկետում վճարել ՀՀ ՔՏՀԱՏՄ 900005001517 հաշվեհամարին:

4. Տուգանքը սահմանված ժամկետում չվճարելու դեպքում այն կիրականացվի օրենքով սահմանված կարգով:

5. Օձուն համայնքի ղեկավար Արսեն Տիտանյանին՝

Մեկամսյա ժամկետում վերացնել «Քաղաքաշինության, տեխնիկական և հրդեհային անվտագության տեսչության» կողմից կազմված 08.11.2019թ. թիվ 25 ակտում նշված խախտումները և արդյունքների մասին ներկայացնել տեղեկատվություն Լոռու մարզպետարան:

6. Մարզպետարանի քարտուղարության պետ Ս.Մակարյանին՝

«Վարչարարության հիմունքների և վարչական վարույթի մասին»
Հայաստանի Հանրապետության օրենքի 59-րդ հոդվածի համաձայն սույն
վարչական ակտը եռօրյա ժամկետում հանձնել Օձուն համայնքի ղեկավար Արսեն
Տիտանյանին պատվիրված փոստով՝ ստանալու մասին ծանուցմամբ:

ՀՀ ԼՈՒՈՒ ՄԱՐԶՊԵՏ

 Invalid signature

X 

ԱՆՂՈՒՅՑ ՂՈՒԿԱՍՅԱՆ

Ա.ՂՈՒԿԱՍՅԱՆ

2020թ. հունվարի 13
ք.Վանաձոր